

UGOVOR O DJELU

Zaključen u Sarajevu dana 04.05.2022. godine između ugovornih strana:

1. **Ministarstvo saobraćaja Kantona Sarajevo**, koje zastupa ministar Adnan Šteta (u daljem tekstu Naručilac) i
2. **Prof.dr. Izudin Kešetović**, Ul. Bajazita Kešetovića broj 20, Općina Srebrenik, JMBG (u daljem tekstu izvršilac)

Obaveze Izvršioca

Član 1.

Izvršilac, se obavezuje da će za Naručioca obavljati poslove pripreme i realizacije aktivnosti iz Elaborata za donošenje Odluke i plana finansijskog restrukturiranja KJKP „Gras“ d.o.o. Sarajevo, Elaborata o društveno-ekonomskoj opravdanosti osnivanja novog KJKP za pružanje usluga tramvajskog i trolejbuskog javnog prevoza putnika, te planiranih budućih aktivnosti restrukturiranja javnog linijskog prijevoza putnika u Kantonu Sarajevo u periodu Maj-Juli 2022. godine, a što uključuje minimalno sljedeće aktivnosti:

- izvršiti praćenja završnih knjiženja u KJKP „Gras“ d.o.o. Sarajevo koja su važna za realizaciju budućih procesa predviđenih predmetnim elaboratima, kako za Dopunu finansijskog izvještaja KJKP „Gras“ d.o.o. Sarajevo za 2021. godinu prema preporukama ovlaštenog računovođe, tako i za finansijski izvještaj na dan 30.06.2022. godine,
- savjetodavna stručna i operativna pomoć pri računovodstvenoj pripremi šestomjesečnog finansijskog izvještaja u KJKP „Gras“ d.o.o. Sarajevo kao osnovi za pokretanje predstečajnog postupka,
- savjetodavna stručna i operativna pomoć pri pripremi odgovora na nacrt revizorskog izvještaja za 2021. godinu,
- Pomoć u pripremi i realiziranju Plana pregovora sa povjeriocima KJKP „Gras“ d.o.o. Sarajevo kao i pomoć u prikupljanju dokumentacije kao podloge za otvaranje predstečajnog postupka za KJKP „Gras“ d.o.o. Sarajevo,
- obavljanje pripremnih aktivnosti za izradu Plana restrukturiranja KJKP „Gras“ d.o.o. Sarajevo, koji će biti podnesen nadležnom sudu u Sarajevu koji će voditi predstečajni postupak,
- savjetodavna stručna pomoć Ministarstvu saobraćaja Kantona Sarajevo vezano za proces restrukturiranja KJKP „Gras“ d.o.o. Sarajevo u domenu strateških i operativnih aktivnosti,
- izrada smjernica za pripremu Elaborata za zbrinjavanje viška zaposlenih u KJKP „Gras“ d.o.o. Sarajevo,
- druge slične prateće aktivnosti vezane za realizaciju Elaborata vezanog za donošenje odluke i plana finansijskog restrukturiranja KJKP „Gras“ d.o.o. Sarajevo, kao i Elaborata o društveno-ekonomskoj opravdanosti osnivanja novog KJKP za pružanje usluga tramvajskog i trolejbuskog javnog prijevoza putnika u Kantonu Sarajevo.

Član 2.

Izvršilac se obavezuje da će poslove iz prethodnog člana obaviti u roku od tri mjeseca od dana zaključivanja ugovora.

Član 3.

U izvršenju poslova za koje se zaključuje ugovor, Izvršilac se obavezuje:

1. Poslove izvršavati osobno.
2. Djelovati isključivo u interesu Naručioca.
3. Poštovati razumne naloge i primjedbe Naručioca ili osobe ovlaštene od strane Naručioca.
4. Obavljati poslove u skladu sa standardima i nalogima Naručioca.
5. Obavljati poslove stručno i savjesno.

6. Djelovati u skladu sa kodeksom ponašanja Naručioca tako da ni na koji način ne ugrozi interes Naručioca.
7. Pružati Naručiocu dodatna objašnjenja po isteku 30 (trideset) dana od kraja realizacije svih poslova obuhvaćenih Ugovorom, bez posebne naknade.
8. Da će pred trećim licima dosljedno čuvati poslovne tajne Naručioca, koje će doznati u svom poslu, za vrijeme trajanja ovog Ugovora.
9. Da će se prema imovini i sredstvima za rad Naručioca odnositi sa pažnjom dobrog domaćina.
10. Da će po isteku ovog Ugovora, Naručiocu vratiti svu dokumentaciju, imovinu, opremu za rad i materijale, a koje je eventualno preuzeo za izvršenje ugovorenih poslova.
11. Da o svom radu redovno izvještava Naručioca.
12. Da dostavi mjesečni izvještaj o obavljenim poslovima odgovornoj osobi Naručioca prije isplate naknade za angažman, a najkasnije 7 dana prije isplate.

Član 4.

Naručilac, kao korisnik djela, ima pravo da sve dobijene materijale i podatke koji su rezultat obavljenog posla Izvršioca koristi u svojim aktivnostima neograničeno.

Obaveze Naručioca

Član 5.

Naručilac se obavezuje da će Izvršiocu dati sve potrebne informacije za obavljanje posla za koji se Izvršilac angažuje.

Član 6.

Naručilac se obavezuje da će Izvršiocu za izvršenje poslova iz člana 1. ovog Ugovora isplatiti mjesečnu neto naknadu u iznosu od KM.

Isplatu po ovom Ugovoru, Naručilac će izvršiti uplatom na žiro račun izvršioca broj:
Raiffeisen bank.

Naručilac se obavezuje da će izvršiti uplatu svih dodatnih poreza i doprinosa koji proizilaze iz ovog Ugovora, a u skladu sa važećim Zakonom.

Izvršilac je dužan na kraju mjeseca dostaviti Izvještaj o obavljenom poslu na osnovu kojeg je Naručilac dužan izvršiti isplatu mjesečne neto naknade iz stava 1.

Naručilac nije obavezan izvršiti isplatu ugovorene neto naknade ukoliko Izvršilac ne dostavi Izvještaj o obavljenom poslu odgovornoj osobi Naručioca.

Član 7.

Pitanja koja nisu uređena ovim ugovorom rješavati će se primjenom pravila Zakona o obligacionim odnosima o ugovoru o djelu.

Tajnost podataka

Član 8.

Sve informacije i podaci koje će jedna ugovorna strana učiniti dostupnima drugoj ugovornoj strani u svrhu izvršavanja odredbi ovog Ugovora, smatraju se tajnim podacima. Tajni podaci ne mogu se koristiti, osim u svrhe određene ovim Ugovorom, bez izričitog pristanka druge ugovorne strane. Niti jedna ugovorna strana neće biti odgovorna za otkrivanje ili korištenje podataka koji u skladu sa ovim Ugovorom predstavljaju tajne podatke, a koji:

- a. već jesu ili postanu poznati javnosti, osim putem povrede ovog Ugovora, ili

b. se moraju otkriti na temelju zakona sukladno zahtjevu nadležnog tijela.

Obaveze čuvanja tajnosti podataka iz Ugovora ostaju na snazi i nakon prestanka važenja ovog Ugovora. Ugovorna strana koja povrijedi obavezu čuvanja tajnosti podataka iz ovog člana bit će odgovorna za svaku štetu, bez bilo kakvih ograničenja, koja je nastala za drugu ugovornu stranu kao posljedica povrede obaveza čuvanja tajnosti podataka.

Viša sila

Član 9.

Ugovorne strane neće biti odgovorne za neizvršavanje bilo koje obaveze iz ovog Ugovora ako je neizvršenje rezultat više sile, tj. događaja izvan kontrole ugovornih strana i neovisnog od njihove volje, a koji nije posljedica namjere ili nepažnje ugovornih strana, te izravno utječe na izvršenje obaveza ugovornih strana iz ovog Ugovora.

Trajanje Ugovora

Član 10.

Ovaj Ugovor stupa na snagu danom njegovog potpisivanja i traje do ispunjenja ugovorenih obaveza iz člana 1. ovog Ugovora.

Nadoknada štete

Član 11.

Izvršilac se obavezuje da će se prema svim sredstvima za rad, imovini i materijalima odnositi sa pažnjom dobrog domaćina te da će svaku eventualnu štetu uzrokovanu na imovini Naručioca nadoknaditi Naručiocu.

Raskid Ugovora

Član 12.

Ugovorne strane mogu otkazati ovaj Ugovor pismenim putem. Obavještenje o raskidu ugovora treba biti dostavljeno najkasnije 15 dana prije namjeravanog dana raskida.

Završne odredbe

Član 13.

Svaka izmjena ili dopuna ovog Ugovora mora biti učinjena u pisanom obliku i potpisana od obje ugovorne strane.

U slučaju eventualnih sporova proizašlih iz i/ili u vezi s ovim Ugovorom, ugovorne strane ugovaraju nadležnost suda u Sarajevu.

Ovaj Ugovor sastavljen je u 4 (četiri) istovjetna primjerka od kojih Naručilac zadržava 3 (tri), a Izvršilac 1 (jedan) primjerak.

U znak prihvatanja prava i obaveza iz ovog Ugovora predstavnici ugovornih strana isti vlastoručno potpisuju.

Izvršilac posla

Izudin Kešetović



Broj:04-11-2170-1/22
Sarajevo, 04.05.2022. godine